



## **TOSHKENT DAVLAT YURIDIK UNIVERSITETI REKTORINING B U Y R U G ' I**

03.06.2023

87-um-son

### **“Bo‘lajak huquqshunoslar uchun professional ko‘nikmalar” mavzusida yuridik klinikalar talabalari uchun “Yozgi maktab” o‘tkazish to‘g‘risida**

O‘zbekiston Respublikasi Prezidentining 2017-yil 28-apreldagi “Toshkent davlat yuridik universitetida kadrlar tayyorlash tizimini tubdan takomillashtirish va samaradorligini oshirish chora-tadbirlari to‘g‘risida”gi PQ–2932-son qarori, 2020- yil 29-apreldagi “O‘zbekiston Respublikasida yuridik ta’lim va fanni tubdan takomillashtirish bo‘yicha qo‘shimcha chora-tadbirlar to‘g‘risida”gi PF-5987-sonli Farmoni, O‘zbekiston Respublikasi Vazirlar Mahkamasining 2019-yil 6-sentabrdagi “Aholiga huquqiy axborotni yetkazish va yuridik yordam ko‘rsatish tizimini yanada takomillashtirish chora-tadbirlari to‘g‘risida”gi 741-sonli qarorida belgilangan vazifalar, Toshkent davlat yuridik universiteti Kuzatuv kengashining 2022-yil 17-fevraldagi 1-son majlisi bayoni 2-ilovasiga asosan 2022-2026-yillarda Toshkent davlat yuridik universitetini strategik rivojlantirish dasturini amalga oshirish yuzasidan “YO‘L XARITA” 22-bandining 5-kichik bandi ijrosini ta’minlash hamda talabalarning bilimi, malakasi, amaliy ko‘nikmasini aniqlash va ularni rag‘batlantirish maqsadida

### **B U Y U R A M A N:**

1. “Bo‘lajak huquqshunoslar uchun professional ko‘nikmalar” mavzusida yuridik klinikalar volontyorlari uchun “Yozgi maktab” (matnda keyingi o‘rinlarda “Yozgi maktab” deb yuritiladi) 2022-yilning 20-22-iyun kunlari Adliya vazirligining “Olmos” dam olish maskanida o‘tkazilsin.

2. Yuridik klinika rahbari (O.Narziyev) BMTning Taraqqiyot Dasturi bilan hamkorlikda yuridik klinikalar volontyorlari uchun yozgi maktabni yuqori saviyada o‘tkazish bilan bog‘liq tashkiliy chora-tadbirlarni amalga oshirsin.

3. “Yozgi maktab”ning ishchi dasturi va unda seminar-trening o‘tuvchi professor-o‘qituvchilar hamda assistent xodimlar ro‘yxati ilovaga mufoviq tasdiqlansin.

4. Buxgalteriya (M.Parpiev) Yozgi maktabni 2022-yilning 20-22-iyun kunlari Adliya vazirligining “Olmos” dam olish maskanida o‘tkazish bilan bog‘liq

xarajatlar BMTning Taraqqiyot Dasturi mablag‘lari hisobidan qoplanishini inobatga olsin va boshqa xarajatlar universitetning budjetdan tashqari mablag‘lari hisobidan amalga oshirilishini ta’minlasin.

5. Fakultet dekanlari o‘quv jarayonini tashkil etishda yuridik klinika volontyor talabalarining “Yozgi maktab”da ishtirok etayotganliklarini inobatga olsin.

6. Jamoatchilik va OAV bilan aloqalar bo‘limi boshlig‘i J.Haydarov “Yozgi maktab” jarayonlarini ommaviy axborot vositalarida keng yoritish choralarini ko‘rsin.

7. Mazkur buyruq ijrosini nazorat qilishni o‘z zimnamda qoldiraman.

**Rektor v.v.b.**



**I.RUSTAMBEKOV**

Toshkent shahar

### **Kiritildi:**

professor vazifasini bajaruvchi

O.NARZIYEV



### **Kelishildi:**

Moliya-iqtisod ishlar bo'yicha  
prorektor

A.IMINOV



Ilmiy ishlar va innovatsiyalar  
bo'yicha prorektor

B.XODJAYEV



Bosh buxgalter

M.PARPIYEV



Bo'lim boshlig'i

S.MAMANAZAROV



Bo'lim boshlig'i (matbuot kotibi)

J.HAYDAROV



Katta yuriskonsult

A.TURSUNOV

